

Broj: 01-02-1-16369
Dana:08.11.2017. god.

SKUPŠTINA KANTONA SARAJEVO

-n/r predsjedavajuće -

PREDMET: Odgovor na poslaničku inicijativu, dostavlja se,-

Veza: akt Skupštine Kantona Sarajevo, broj: 01-05-28024/17 od 04.10.2017.godine

U vezi akta Skupštine Kantona Sarajevo broj: 01-05-28024/17 od 04.10.2017.godine, a vezano za poslaničku inicijativu zastupnika Rasima Lakote na 33. Radnoj sjednici Skupštine Kantona Sarajevo održanoj dana 02.10.2017.godine i to:

"Podnosim zastupničku inicijativu da se pripadnicima MUP-a KS vrati ustavni izgled jedinstvene policijske uniforme svih policijskih snaga u F BiH, kao i oznake koje se nose na uniformi. Ovaj izgled policijske uniforme je regulisan ustavom F BiH i Uredbom o jedinstvenoj policijskoj uniformi broj 27/5 i 70/08 od 15.jula 2010.godine.

Obrazloženje: Ministar i komesar MUP-a KS u prethodnom sazivu prekršili su gore pomenutu uredbu i nezakonito su izmjenili pravilnik o posebnoj uniformi za specifične geografsko-klimatske uslove policijskih službenika uprave KS 13.05.2013.godine, tako što su nabavili uniforme koje su izgledom sasvim drugačije od onog što predviđa Ustav i federalna uredba. Tražim od ministra MUP-a KS i komesara Halilovića da ispitaju i utvrde eventualnu odgovornost kršenja uredbe Federalne Vlade o izgledu policijske uniforme.

ODGOVOR NA POSLANIČKU INICIJATIVU

Članom 5. stav (3) Zakona o policijskim službenicima Kantona Sarajevo ("Službene novine Kantona Sarajevo", broj: 25/06 i 4/08) je propisano da izgled, dijelove, boju i oznake policijske uniforme propisuje Uredba o jedinstvenoj policijskoj uniformi u Federaciji ("Službene novine Federacije BiH", broj 62/05) i važeći propisi. Zbog specifične prirode određenih zadataka i u skladu sa prihvaćenim policijskim standardima, određeni policijski zadaci se mogu vršiti u civilu ili u posebnoj službenoj odjeći i sa odgovarajućom opremom. Pomenute policijske zadatke i posebnu službenu odjeću i opremu određuje policijski komesar.

Članom 7. Uredbe o jedinstvenoj policijskoj uniformi ("Službene novine Federacije BiH", broj 43/10) propisano je da kantonalni ministar unutrašnjih poslova može izuzetno od odredbe člana 2. navedene Uredbe i u okviru svoje nadležnosti propisati posebne uniforme, kao i dopunske dijelove uniforme za obavljanje poslova i zadataka u specifičnim geografskim i klimatskim uslovima.

Imajući u vidu navedeno donesen je Pravilnik o posebnoj uniformi za specifične geografsko-klimatske uslove policijskih službenika Uprave policije MUP-a KS broj: 01-303/13 od 13.05.2013.godine. Naknadno je donesen Pravilnik o dopunama Pravilnika o posebnoj uniformi za specifične geografsko-klimatske uslove policijskih službenika Uprave policije MUP-a KS broj: 01-365/16 od 25.07.2016.godine (dopuna se odnosi na izradu nove oznake sa imenom i prezimenom policijskog službenika koja se pokazala praktičnija u odnosu na raniju oznaku – metalnu pločicu).

Ministarstvo pravde i uprave KS je dostavilo mišljenje na pomenuti Pravilnik broj: 03-07-02-8632/13 od 15.04.2013.godine, kao i Ured za zakonodavstvo Vlade KS, akt broj: 09-02-8631/13 od 16.04.2013.godine u kojem je decidno navedeno da nema primjedbi po pitanju pravnog osnova za donošenje Pravilnika.

Nakon donošenjenja navedenog Pravilnika vršena je nabavka dijelova posebne uniforme u skladu sa istim, a prema iskazanim zahtjevima Uprave policije MUP-a KS, obzirom da je članom 4. Pravilnika koji se odnosi na zaduživanje propisano da posebnu uniformu za specifične geografsko-klimatske uslove zadužuju policijski službenici svih organizacionih jedinica Uprave policije MUP-a Kantona Sarajevo, izuzev policijskih službenika Jedinice za specijalističku podršku, Jedinice za podršku, Sektora kriminalističke policije i Odjeljenja kriminalističke policije u Policijskim upravama.

S poštovanjem,

MIN ISTAR

Vedran Mulabdić

